



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-31-8-49-9-11/15.
Datum: 14.04.2015.godine

Na osnovu člana 8. stav 3. alineja 9. Zakona o principima lokalne samouprave („Službene novine Federacije BiH“, broj: 49/06), člana 30. Statuta Općine Tešanj („Službeni glasnik Općine Tešanj“, broj: 11/07) i Odluke odobravanju izgradnje i korištenja parkinga na lokalitetu zv."Katanga" („Službeni glasnik Općine Tešanj“, broj:3/15), Načelnik općine Tešanj, raspisuje

JAVNI POZIV

radi izgradnje i korištenja parkinga na lokalitetu zv."Katanga"

I. PREDMET JAVNOG POZIVA:

Općina Tešanj, raspisuje Javni poziv radi iskazivanja interesa za izgradnju i korištenje parking prostora na parcelama označenim kao: k.p.broj:563/1 upisana u PL 132 K.O. Tešanj II i k.p. broj:1548/1 upisana u PL 268 K.O. Tešanj I. Predmetne parcele nalaze se kod objekta zv."Katanga" u Tešnju.

Izgradnja parking prostora gradi se u skladu sa projektom "Natkrivanje dijela korita rijeke Tešanjke i izgradnja parking mjesta za putnička vozila iznad uređenog dijela korita rijeke Tešanjke" urađen od "RADIS" d.o.o. I. Sarajevo.

Općinski Načelnik će sa odabranim ponuđačem zaključiti Ugovor o načinu, vremenu i uvjetima gradnje i korištenja izgrađenog parking prostora na lokalitetu zv."Katanga", i istim će se regulisati prava i obaveze ugovornih strana.

II. USLOVI JAVNOG POZIVA:

- da se izgradi parking prostor na predmetnim parcelama, najkasnije do 31.12.2015.godine u skladu sa navedenim projektom iz tačke I. ovog poziva,
- da će odabrani ponuđač parking prostor koristiti maksimalno 12 godina računajući od 01.01.2016.godine.

III. PRAVO UČEŠĆA I PRIJAVA NA JAVNI POZIV

Pravo učešća na Javni poziv imaju sva zainteresovana pravna lica, kao i dva ili više pravnih lica, po osnovu ugovora o zajedničkoj gradnji (ukoliko je zainteresovano više lica za gradnju i korištenje parkinga, ugovor mora biti zaključen u skladu sa Zakonom).

Prijava na Javni poziv treba da sadrži ime i prezime odgovornog lica, naziv pravnog lica, tačnu adresu i kontakt/telefon podnosioca prijave.

Uz prijavu na poziv potrebno je priložiti:

-ovjerenu izjavu ponuđača da će parking na lokalitetu zv."Katanga" izgraditi do 31.12.2015.godine u skladu sa projektom "Natkrivanje dijela korita rijeke Tešanjke i izgradnja parking mjesta za putnička vozila iznad uređenog dijela korita rijeke Tešanjke" urađen od "RADIS" d.o.o. I. Sarajevo, i u skladu sa uslovima iz urbanističke saglasnosti i odobrenja za građenje izdatih od strane nadležnog organa općine Tešanj,

-ovjerenu izjavu ponuđača u kojoj je naveden vremenski rok korištenja izgrađenog pakinga.

Prijave se dostavljaju u zatvorenoj koverti na adresu Općina Tešanj, ul. Trg Alije Izetbegovića broj: 11., putem pošte ili na centralnoj pisarnici Općine Tešanj, sa naznakom: „NE OTVARAJ“-Prijava na javni poziv- „IZGRADNJA I KORIŠTENJE PARKING PROSTORA -KATANGA”

Odabir ponuđača cijenit će se prema kriteriju:kraći vremenski rok korištenja parking prostora.

Općinski načelnik će rješenjem formirati Komisiju za otvaranje i ocjenu prijava, koja će izvrši pregled i ocjenu pristiglih prijava.

Neblagovremene i nepotpune prijave neće se ni uzimati u razmatranje.

Uvid u projekat "Natkriivanje dijela korita rijeke Tešanjke i izgradnja parking mjesta za putnička vozila iznad uređenog dijela korita rijeke Tešanjke" urađen od "RADIS" d.o.o. I. Sarajevo, može se izvršiti u općini Tešanj-odjeljenje urbanizam.

Javni poziv ostaje otvoren do 29.04.2015.godine (srijeda) do 16,00 sati.

Javno otvaranje pristiglih prijava biće održano u sali Općine (stara zgrada) dana, 30.04.2015.godine sa početkom u 14,00 sati.

Javni poziv će biti objavljen u lokalnim sredstvima javnog informisanja, oglasnim tablama u zgradi općine i uredima Jelah i Tešanjka, web stranici Općine Tešanj i u dnevnim novinama u vidu obavijesti.

OPĆINSKI NAČELNIK:

Mr. Sc. Suad Huskić,